



Na osnovu člana 80. Zakona o visokom obrazovanju u Hercegovačko-neretvanskom kantonu ("Službene novine Hercegovačko-neretvanskog kantona broj: 4/12), te odluke Senata Univerziteta broj: 101-1263/17 od 26. 5. 2017. godine i saglasnosti Ministarstva za obrazovanje, nauku, kulturu i sport HNK, broj: 05-03-40-1406-1/17 od 8.6.2017. godine, Univerzitet "Džemal Bijedić" u Mostaru, objavljuje

## KONKURS

### **za upis studenata u prvu godinu prvog, drugog i trećeg ciklusa studija na Univerzitet "Džemal Bijedić" u Mostaru u akademskoj 2017/2018. godini**

**1.** Konkurs za upis u prvu godinu studija u akademskoj 2017/2018. godini traje **od 15. juna 2017. godine do 4. jula 2017. godine.**

U prvu godinu studija u akademskoj 2017/2018. godini kandidati se upisuju u skladu sa Planom upisa studenata.

**2.** Pravo na upis i status studenta na Univerzitet imaju sva lica koja su završila četverogodišnju srednju školu u Bosni i Hercegovini, kao i lica koja su završila četverogodišnju srednju školu u inostranstvu.

Kandidati koji su srednju školu završili u inostranstvu, uz prijavu na konkurs, podnose obrazovne isprave i rješenje o ekivalenciji, odnosno nostrifikaciji, a ako je postupak u toku, dostavljaju dokaz o podnesenom zahtjevu.

Univerzitet će osigurati pristup studiju stranim državljanima i licima bez državljanstva u skladu s načelima evropskog sistema visokog obrazovanja, osiguravajući im studij pod istim uvjetima kao i državljanima Bosne i Hercegovine.

**3.** Pravo upisa na **diplomski studij** imaju kandidati sa završenim odgovarajućim dodiplomskim studijem koji se vrednuje sa najmanje 180 (3+2) ECTS odnosno 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

Kandidati iz stava (1) ovog člana za upis na diplomski studij, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

Kandidati koji ispunjavaju uslove iz stava (1) ovog člana imaju pravo upisa na studijski program na drugom fakultetu koji je srođan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje Naučno-nastavno vijeće fakulteta, koji realizuje studijski program diplomskog studija.

Strani državljeni i osobe bez državljanstva imaju pravo upisa na studij pod jednakim uslovima kao i državljeni BiH.

**3.1.** Pravo upisa na **diplomski studij (master 4+1 sve oblasti) / II ciklus studija Ekonomskog fakulteta** imaju kandidati koji su završili prvi ciklus studija ekonomskog i neekonomskog usmjerenja u trajanju od četiri godine sa ostvarenih 240 ECTS bodova. Za sve prijavljene kandidate održat će se prijemni ispit iz oblasti na koju apliciraju. Prijemni ispit je eliminatoran. Kandidati koji su završili prvi ciklus studija **neekonomskog usmjerjenja** nakon položenog prijemnog ispita obavezni su polagati **preduslovni predmet - Menadžerska ekonomija**.



**Pravo prijave na II ciklus zajedničkog master studija Ekonomskog fakulteta Univerziteta „Džemal Bijedić“ i Ekonomskog fakulteta Univerziteta u Sarajevu (3+2) i (4+1):**

- pravo prijave na studij 4+1 imaju kandidati koji su završili četverogodišnji studij na ekonomskom, pravnom ili tehničkom fakultetu i tako ostvarili ekvivalent od 240 ECTS bodova.
- pravo upisa na studij 3+2 imaju kandidati koji su završili trogodišnji studij na ekonomskom, pravnom ili tehničkom fakultetu i tako ostvarili ekvivalent od 180 ECTS bodova.

**4. Pravo prijave na konkurs za upis na doktorski studij imaju kandidati koji ispunjavaju jedan od sljedećih uvjeta: (1)**

- a) završen studij II ciklusa sa najmanje 300 ECTS bodova s najmanjom prosječnom ocjenom najmanje 8,00 ili ekvivalentna vrijednost na prvom i na drugom ciklusu;
- b) po ranije važećim propisima stečeno visoko obrazovanje u trajanju od najmanje 8 semestara s najmanjom prosječnom ocjenom 8,00;
- c) po ranije važećim propisima stečeni akademski naziv magistra nauka s najmanjom prosječnom ocjenom 8,00;
- d) Univerzitet "Džemal Bijedić" u Mostaru Pravila studiranja na III ciklusu studija
- e) završen specijalistički studij po ranije važećim propisima s najmanjom prosječnom ocjenom 8,00 uz obavezu polaganja razlike predmeta;
- f) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) ovog stava s najmanjom prosječnom ocjenom 7,5 za društvene, humanističke, interdisciplinarne nauke i područja umjetnosti, a za ostale nauke s najmanjom prosječnom ocjenom 7,0 uz dvije preporuke predmetnih nastavnika sa prethodnih ciklusa studija koje je kandidat pohađao;
- g) završen studij iz alineje (a) ili stečeno obrazovanje iz alineje (b) ili stečeni naziv iz alineje (c) ili završen studij iz alineje (d) ovog stava, pod uvjetom da kandidat ima najmanje dva objavljena naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIE i da je najmanje jedan rad javno prezentiran na međunarodnim naučnim konferencijama.

(2) Kandidati iz svih tačaka prethodnog stava treba da posjeduju znanje engleskog jezika ili drugog jezika važnog za predmetnu oblast i da ispunjavaju druge uvjete u zavisnosti od naučne oblasti.

**4.1. Pravo prijave na konkurs za upis na doktorski studij „Globalno poslovanje i finansiranje“ na Ekonomskom fakultetu imaju kandidati koji ispunjavaju jedan od sljedećih uslova:**

- a) Završen studij drugog ciklusa, stečeno akademsko zvanje magistra struke iz oblasti ekonomije ili oblasti menadžmenta s najmanjom prosječnom ocjenom 8,00;
- b) Po ranije važećim propisima stečen akademski naziv magistra ekonomskih nauka ili magistra menadžment nauka s najmanjom prosječnom ocjenom 8,00;
- c) Po ranije važećim propisima završen specijalistički studij iz oblasti ekonomije ili menadžmenta s najmanjom prosječnom ocjenom 8,00;
- d) Završen studij iz alineje (a) ili alineje (c) ili stečen naziv iz alineje (b) s najmanjom prosječnom ocjenom 7,5 uz dvije preporuke predmetnih nastavnika sa prethodnih ciklusa studija koje je kandidat pohađao;
- e) Završen studij iz alineje (a) ili alineje (c) ili stečeni naziv iz alineje (b) pod uslovom da kandidat ima dva najmanje objavljena naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIE i da je najmanje jedan rad javno prezentiran na međunarodnoj naučnoj konferenciji.



**4.2.** Pravo prijave na konkurs za upis na doktorski studij **Politehniku** na Univerzitetu „Džemal Bijedić“ u Mostaru imaju kandidati koji ispunjavaju jedan od sljedećih uslova:

- a) Završen studij drugog ciklusa, na kojem je kandidat postigao 300 ECTS bodova, stečeno akademsko zvanje magistra struke iz oblasti Građevinarstvo, Mašinstvo i Informatika s najmanjom prosječnom ocjenom 8,00;
- b) Po ranije važećim propisima stečen akademski naziv magistra tehničkih nauka iz oblasti Građevinarstvo, Mašinstvo i Informatika s najmanjom prosječnom ocjenom 8,00. Takvi kandidati se mogu direktno upisati u treći semestar postdiplomskog doktorskog studija, na odgovarajuću srodnu oblast;
- c) Po ranije važećim propisima završen specijalistički studij iz oblasti Građevinarstvo, Mašinstvo i Informatika s najmanjom prosječnom ocjenom 8,00, uz obavezu polaganja razlike predmeta;
- d) Završen studij iz alineje (a) ili alineje (c) ili stečen naziv iz alineje (b) s najmanjom prosječnom ocjenom 7,5 uz dvije preporuke predmetnih nastavnika sa prethodnih ciklusa koje je kandidat pohađao;
- e) Završen studij iz alineje (a) ili alineje (c) ili stečeni naziv iz alineje (b) pod uslovom da kandidat ima dva najmanje objavljena naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIE i da je najmanje jedan rad javno prezentiran na međunarodnoj naučnoj konferenciji.
- f) Pravo prijave na studij imaju kandidati u zvanjima na nivou diplomiranog inženjera iz oblasti Građevinarstvo, Mašinstvo i Informatika, koji žele upisati odgovarajuću srodnu oblast, a koji su svoja zvanja stekli na osnovu studijskih programa započetih po starom sistemu obrazovanja. Ukoliko se može ustanoviti da su takvi kandidati stekli dodatna znanja na osnovu objavljenih naučno-istraživačkih radova ili pohađanjem i polaganjem ispita u sklopu postdiplomskog magistarskog studija započetog po starom sistemu obrazovanja i upišu se na predloženi doktorski studij, može im se omogućiti početak studija s već stečenih do 30 ECTS bodova na osnovu poređenja stečenih znanja i obaveznih predmeta na predloženom studiju. Tačan broj ECTS bodova, koji se kandidatu priznaju kao ekvivalent stečenom znanju, propisuje Vijeće doktorskog studija za svakog kandidata ponaosob.
- g) Na postdiplomski doktorski studij mogu se prijaviti kandidati sa završenim diplomskim studijem iz područja tehničkih nauka, na kojem je kandidat postigao 300 ECTS bodova, a koji nije srođan oblasti koju želi upisati na postdiplomskom doktorskom studiju. Obzirom na stečene kompetencije, takvim studentima Vijeće doktorskog studija može propisati obavezu upisa i polaganja i odgovarajućeg broja za doktorski studij relevantnih predmeta s diplomske studije odabrane oblasti. Stečene kompetencije utvrđuju se iz dodatka diplomi.
- h) Na postdiplomski doktorski studij mogu se prijaviti i kandidati u zvanjima na nivou diplomiranog inženjera i magistra tehničkih nauka po starom sistemu obrazovanja koji nije srođan oblasti koju želi upisati na postdiplomskom doktorskom studiju. Obzirom na stečene kompetencije, takvim studentima Vijeće doktorskog studija može propisati obavezu upisa i polaganja i odgovarajućeg broja za doktorski studij relevantnih predmeta s diplomske studije odabrane oblasti. Stečene kompetencije utvrđuju se iz dodatka diplomi.
- i) Na postdiplomski doktorski studij mogu se prijaviti i kandidati sa završenim diplomskim studijem iz naučnog područja prirodnih nauka. Obzirom na stečene kompetencije, takvim studentima Vijeće doktorskog studija može propisati obavezu upisa i polaganja i odgovarajućeg broja za doktorski studij relevantnih predmeta s diplomske studije odabrane oblasti. Stečene kompetencije utvrđuju se iz dodatka diplomi.



**4.3. Konkurs za upis na doktorski studij iz oblasti društvenih nauka, naučno polje KINEZIOLOGIJA raspisat će se u mjesecu OKTOBRU/NOVEMBRU 2017. godine.**

**5. Za prijavu na Konkurs za upis u prvu godinu studija kandidat je dužan predati sljedeće dokumente:**

**a) prvi ciklus (dodiplomski studij)**

- Zahtjev za upis u kome je tačno naznačen odsjek na koji konkuriše;
- Originalna svjedočanstva o završenim razredima srednje škole i originalnu diplomu o završenoj srednjoj školi u Bosni i Hercegovini u četverogodišnjem trajanju odnosno odgovarajuća nostrificirana dokumenta za kandidate koji srednju školu nisu završili u Bosni i Hercegovini (ukoliko su dokumenti u postupku nostrifikacije prilaže se dokaz o podnesenom zahtjevu za nostrifikaciju);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Druge dokumente relevantne za utvrđivanje broja bodova po kriterijima.

**Prijave za upis studenata u prvu godinu prvog ciklusa (dodiplomskog) studija Dizajn interijera i studija Zdravstvena njega kandidati podnose u studentsku službu Nastavničkog fakulteta Univerziteta „Džemal Bijedić“ u Mostaru.**

**Prijave za upis studenata u prvu godinu prvog ciklusa (dodiplomskog) studija iz oblasti Turizma i studijskog programa Poslovna informatika kandidati podnose u studentsku službu Ekonomskog fakulteta Univerziteta „Džemal Bijedić“ u Mostaru.**

**b) drugi ciklus (diplomski/master studij)**

- Zahtjev za upis u kome je tačno naznačen smjer na koji konkuriše;
- Ovjerena kopija diplome ili uvjerjenje o završenom prvom ciklusu studija iz odgovarajuće oblasti, odnosno odgovarajuća nostrificirana dokumenta;
- Uvjerenje o položenim ispitima ili dodatak diplomi (original);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Drugi dokumenti u skladu sa Pravilima studiranja na II ciklusu studiju na Univerzitetu "Džemal Bijedić" u Mostaru, objavljenim na web stranici Univerziteta i organizacionim jedinicama.

**c) treći ciklus studija (doktorski studij)**

- Diploma – II ciklus studija/magisterski postdiplomski studij/specijalistički postdiplomski studij (ovjerena kopija)
- Rješenje o nostrifikaciji diplome (ovjerena kopija), ukoliko je izvršena nostrifikacija diplome
- Uvjerenje o položenim ispitima – II ciklus studija/magisterski postdiplomski studij/specijalistički postdiplomski studij (original)
- Izvod iz matične knjige rođenih (original ili ovjerena kopija originala)
- Uvjerenje o državljanstvu (original ne starije od 6 mjeseci)
- Dvije preporuke (original), ukoliko su potrebne za upis
- Dokaz o poznavanju stranog jezika
- Objavljeni traženi radovi, ukoliko su potrebni za upis
- Biografija (CV)



**Prijave za upis studenata u prvu godinu trećeg ciklusa (doktorskog) studija „Globalno poslovanje i finansiranje“ kandidati podnose u studentsku službu Ekonomskog fakulteta Univerziteta „Džemal Bijedić“ u Mostaru.**

**Prijave za upis studenata u prvu godinu trećeg ciklusa (doktorskog) studija Politehnika kandidati podnose u studentsku službu Građevinskog fakulteta Univerziteta „Džemal Bijedić“ u Mostaru.**

**Nepotpune i neblagovremeno podnesene prijave neće se uzimati u razmatranje.**

**6.** Prijemni ispit, na organizacionim jedinicama na kojima se polaže, obavit će se u terminu, rasporedu i satnici koje će utvrditi organizacione jedinice pojedinačno i oglasiti na svojim oglasnim pločama i web stranicama uz detaljne informacije o sadržaju i načinu polaganja prijemnog ispita.

**7.** Kriteriji i mjerila za utvrđivanje redoslijeda za prijem kandidata za upis u prvu godinu prvog ciklusa studija na organizacione jedinice Univerziteta "Džemal Bijedić" u Mostaru će biti objavljeni na oglasnim pločama i web stranicama organizacionih jedinica Univerziteta. Rang listu svih kandidata i spisak primljenih kandidata organizacione jedinice će objaviti na oglasnoj ploči nakon što je verifikuje nadležni organ.

**8.** Na objavljenu rang listu kandidati mogu uložiti pismeni prigovor Naučno-nastavnom vijeću organizacione jedinice u roku od 3 dana od dana objavljivanja iste. Naučno-nastavno vijeće organizacione jedinice je dužno u roku od 3 dana odlučiti o prigovoru i o tom obavijestiti kandidata. Odluka Naučno-nastavnog vijeća je konačna.

**9.** Organizacione jedinice koje ne popune broj slobodnih mjesta za upis u prvom upisnom roku, vršit će prijem u drugom upisnom roku, čiji termin će biti naknadno objavljen.

**10.** Ako se na Konkurs za pojedine studijske programe, u prvom upisnom roku, ne prijavi 50% kandidata prema Odluci o upisnim kvotama, neće se pokretati taj studijski program, ukoliko Senat ne doneše drugačiju Odluku. Kandidatima koji budu aplicirali na te studijske programe omogućit će se upis na drugi studijski program u statusu redovnog studenta.

**11.** Organizacione jedinice Univerziteta će na svojim oglasnim pločama objaviti detaljne informacije o mjestu i vremenu predaje dokumenata na Konkurs.

**12.** Upis studenata koji budu primljeni na organizacione jedinice obavit će se nakon oglašavanja konačne rang liste primljenih kandidata.

**13.** Za upis na visokoškolske ustanove primljeni kandidati podnose:

- upisni i prijavni list (ŠV obrazac)
- upisnicu - index
- dvije fotografije
- ljekarsko uvjerenje o zdravstvenom stanju studenta (izdaje ga odgovarajuća zdravstvena ustanova ne starije od 6 mjeseci).
- dokaz o uplati školarine.



**Plan upisa studenata  
u prvu godinu studija na organizacione jedinice Univerziteta "Džemal Bijedić" u  
Mostaru u akademskoj 2017/2018. godini**

Organizaciona jedinica	Broj studenata				
	Redovni	Redovni uz plaćanje	Vanredni	Distance learning	Ukupno

<b>Agromediteranski fakultet</b>	<b>120</b>		<b>40</b>		<b>160</b>
<b>Akademski dodiplomski studij (Bachelor)</b>	<b>90</b>		<b>30</b>		<b>120</b>
Voćarsko-vinogradarski smjer	30		10		40
Povrtlarsko-cvjećarski smjer	30		10		40
Ekologija i upravljanje okolišom u poljoprivredi	30		10		40
<b>Diplomski studij (Master)</b>	<b>30</b>		<b>10</b>		<b>40</b>
Voćarsko-vinogradarski smjer	15		5		20
Povrtlarsko-cvjećarski smjer	15		5		20

<b>Ekonomski fakultet</b>	<b>95</b>	<b>55</b>	<b>30</b>		<b>180</b>
<b>Akademski dodiplomski studij (Bachelor)</b>	<b>80</b>		<b>20</b>		<b>100</b>
<b>Stručni dodiplomski studij</b>		<b>20</b>	<b>10</b>		<b>30</b>
<b>Diplomski studij (Master) (4+1)</b>	<b>15</b>	<b>15</b>			<b>30</b>
Poslovni menadžment / Menadžment finansija / Računovodstvo i revizija	15	15			30
<b>Zajednički master studij sa Ekonomskim fakultetom u Sarajevu (3+2) (4+1)</b>		<b>10</b>			<b>10</b>
<b>Treći ciklus studija</b>		<b>10</b>			<b>10</b>
Globalno poslovanje i finansije		10			10

<b>Fakultet humanističkih nauka</b>	<b>160</b>	<b>70</b>	<b>90</b>	<b>30</b>	<b>350</b>
<b>Akademski dodiplomski studij (Bachelor)</b>	<b>130</b>	<b>70</b>	<b>60</b>	<b>30</b>	<b>290</b>
Bosanski jezik i književnost	10	5	5	10	30
Engleski jezik i književnost	20	10	10	10	50
Turski jezik i književnost	20	10	10		40
Njemački jezik i književnost	20	10	10	10	50
Historija	10	5	5		20
Komunikologija	20	10	10		40



Dvopredmetni studijski program Bosanski jezik i književnost i komunikologija	15	10	5		30
Dvopredmetni studijski program Engleski jezik i književnost i njemački jezik i književnost	15	10	5		30
<b>Akademski diplomski studij (Master)</b>	<b>30</b>		<b>30</b>		<b>60</b>
Bosanski jezik i književnost	5		5		10
Engleski jezik i književnost	5		5		10
Turski jezik i književnost	5		5		10
Njemački jezik i književnost	5		5		10
Historija	5		5		10
Komunikologija	5		5		10

<b>Fakultet informacijskih tehnologija</b>		<b>50</b>		<b>210</b>	<b>260</b>
<b>Akademski dodiplomski studij (Bachelor)</b>		<b>50</b>		<b>200</b>	<b>250</b>
<b>Diplomski studij (Master)</b>				<b>10</b>	<b>10</b>

<b>Građevinski fakultet</b>	<b>75</b>	<b>45</b>			<b>120</b>
<b>Akademski dodiplomski studij (Bachelor)</b>	<b>55</b>	<b>30</b>			<b>85</b>
Opći odsjek	40	15			55
Geodezija i geoinformatika	15	15			30
<b>Diplomski studij (Master)</b>	<b>20</b>	<b>15</b>			<b>35</b>
Konstruktivni odsjek	20				20
Upravljanje okolišnom infrastrukturom		15			15

<b>Mašinski fakultet</b>	<b>120</b>	<b>45</b>	<b>45</b>		<b>210</b>
<b>Akademski dodiplomski studij (Bachelor)</b>	<b>90</b>	<b>30</b>	<b>30</b>		<b>150</b>
Dizajn proizvoda	30	10	10		50
Kompjuterski inžinjering	30	10	10		50
Energetski smjer	30	10	10		50
<b>Diplomski studij (Master)</b>	<b>30</b>	<b>15</b>	<b>15</b>		<b>60</b>
Dizajn proizvoda	10	5	5		20
Kompjuterski inžinjering	10	5	5		20
Obnovljivi izvori energije	10	5	5		20

<b>Nastavnički fakultet</b>	<b>250</b>	<b>95</b>	<b>125</b>		<b>470</b>
<b>Akademski dodiplomski studij (Bachelor)</b>	<b>180</b>	<b>60</b>	<b>80</b>		<b>320</b>
Hemija	30	10	10		50
Sport i zdravlje	30	10	10		50
Razredna nastava	30	10	10		50



Konzervacijska biologija i ekologija	30	10	10		50
Psihologija i sociologija	30	10	10		50
Pedagogija	30	10	10		50
Stručni studij iz oblasti sporta (3+2)			20		20
<b>Diplomski studij (Master)</b>	<b>70</b>	<b>35</b>	<b>45</b>		<b>150</b>
Hemija	10	5	5		20
Sport i zdravlje	10	5	5		20
Razredna nastava	10	5	5		20
Konzervacijska biologija i ekologija	10	5	5		20
Sociologija	10	5	5		20
Psihologija	10	5	5		20
Pedagogija	10	5	5		20
Stručni studij iz oblasti sporta (3+2)			10		10

<b>Pravni fakultet</b>	<b>60</b>	<b>40</b>	<b>10</b>		<b>110</b>
<b>Akademski dodiplomski studij (Bachelor)</b>	<b>60</b>	<b>10</b>	<b>10</b>		<b>80</b>
<b>Diplomski studij (Master)</b>		<b>30</b>			<b>30</b>
Građansko-pravni smjer		15			15
Krivično-pravni smjer		15			15

<b>Univerzitetski studij</b>	<b>20</b>	<b>150</b>	<b>50</b>	<b>20</b>	<b>240</b>
Poslovna informatika		30		20	50
Zdravstvena njega	20	30	30		80
Dizajn interijera		30			30
Studij turizma		30	20		50
<b>Doktorski studij "Politehnika"</b>		<b>30</b>			30
Građevinarstvo		10			10
Mašinstvo		10			10
Informatika		10			10

<b>Akademski dodiplomski studij (Bachelor)</b>	<b>705</b>	<b>400</b>	<b>280</b>	<b>250</b>	<b>1.635</b>
<b>Diplomski studij (Master)</b>	<b>195</b>	<b>120</b>	<b>100</b>	<b>10</b>	<b>425</b>
<b>Treći ciklus (Doktorski)</b>		<b>40</b>			<b>40</b>
<b>Ukupno:</b>	<b>900</b>	<b>550</b>	<b>390</b>	<b>260</b>	<b>2.100</b>